

**KJKP « GRADSKI SAOBRAĆAJ » d.o.o Sarajevo
UPRAVA PREDUZEĆA**

Broj 07/305

Datum 21-12-2018

Na osnovu člana 64. stav 1. tačka a, člana 70. st. 1, 3. i 6. Zakona o javnim nabavkama BiH („Sl. glasnik BiH“, broj 39/14), člana 21 Pravilnika o nabavci roba, usluga i radova KJKP « Gradski saobraćaj » d.o.o. Sarajevo, na preporuku Komisije za javnu nabavku broj: 19375 od 19.12.2018 godine, u postupku javne nabavke robe: 7 RABLJENIH ZGLOBNIH TROLRJBUSA LOT 121B, Uprava preduzeća donijela je

**ODLUKU
o izboru najpovoljnijeg ponuđača**

Član 1.

Prihvata se preporuka Komisije za javnu nabavke, broj: 19375 od 19.12.2018 godine i Ugovor za nabavku robe 7 RABLJENIH ZGLOBNIH TROLRJBUSA LOT 121B, dodjeljuje se ponuđaču „ G N Company „d.o.o. Tuzla, ponuda broj: 19272 od 18.12.2018 godine, za ponuđenu cijenu od 699.230,00 KM bez PDV-a odnosno 818,099,10 KM sa PDV-om kao najbolje ocijenjena ponuda.

Rok plaćanja: do 30 dana od dana isporuke i primopredaje vozila

Rok isporuke: 30 dana od dana potpisivanja Ugovora

Garantni rok: 3 mjeseca na funkcionalnost vozila od dana primopredaje vozila

4 mjeseca na akumulatorske baterije i kompresor od dana primopredaje vozila

Član 2.

Prijedlog Ugovora dostavit će se na potpis izabranom ponuđaču „ G N Company „d.o.o. Tuzla u skladu sa članom 98. stav 2. tačka b.

Član 3.

Za izvršenje ove odluke zadužuje se i ovlašćuje Trolejbuskog saobraćaja, Odjeljenje javnih nabavki i FRS za realizaciju odluke.

Član 4.

Ova odluka objavit će se na web-stranici Ugovornog organa istovremeno s upućivanjem ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama BiH.

Član 5.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stav 2. Zakona o javnim nabavkama BiH.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 04/203 od 25.10.2018 godine i Odlukom o izmjenama Odluke o pokretanju postupka broj 04/205 od 26.10.2018 god. Javna nabavka je sprovedena Pregovaračkim postupkom sa objavom obavještenja.

Procijenjena vrijednost javne nabavke bez PDV-a je **700.000,00 KM bez PDV-a.**

Obavještenje o nabavci broj: 257-3-1-203-3-199/18 poslano je na objavljivanje dana 30.10.2018 godine, a objavljeno je na Portalu javnih nabavki dana 30.10.2018 godine, sažetak obavjesti o nabavi objavljen je u Sl.glasniku BiH, broj 77/18 od 2.11.2018 god.

Komisija za javnu nabavku imenovana je Odlukom V.D.Generalnog direktora broj: 05/998 od 14.11.2018 godine.

Komisija za javnu nabavku dostavila je dana 19.12.2018 godine ,izvještaj o ocjeni ponuda i Preporuku o izboru najpovoljnijeg ponuđača broj: 19375 od 19.12.2018 god.u posupku javne nabavke roba 7 RABLJENIH ZGLOBNIH TROLRJBUSA LOT 121B .

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnik, u kojima je utvrđeno sljedeće:

- da je ukupan broj pristiglih ponuda **3 (tri) ponude**;
- da su blagovremeno zaprimljene **3 (tri) ponude**;
- da je jedna ponuda prihvatljiva;
- da su ponude ponuđača ČIPIĆ GmbH i UBE store d.o.o.Tuzla ne prihvatljive iz slijedećih razloga:

1. ČIPIĆ GmbH Omnibushandel AM SCHIEFBERG 7 57074 SIEGEN
DEUTSCHLAND

Neprihvatljiva dokumentacija tražena tenderskim zahtjevom:

1. Ponuđač ČIPIĆ GmbH u svojoj ponudi dostavio je Rješenje iz trgovačkog registra kojeg je preveo ovlašteni sudski tumač za Njemački jezik Zrinka Brkić, međutim prevod je bez pečata i potpisa ovlaštenog sudskog tumača.
2. Dostavljena potvrda da tvrtka nije u stečaju, u ponudi je dostavljena sa prevodom ovlaštenog sudskog tumača za Njemački jezik Zrinka Brkić, međutim prevod je bez pečata i potpisa ovlaštenog sudskog tumača.
3. Dostavljena potvrda o nekažnjavanju, u ponudi je dostavljena sa prevodom ovlaštenog sudskog tumača za Njemački jezik Zrinka Brkić, međutim prevod je bez pečata i potpisa ovlaštenog sudskog tumača.
4. Dostavljeno uvjerenje o porezu, u ponudi je dostavljeno sa prevodom ovlašteni sudski tumač za njemački jezik Zrinka Brkić, međutim prevod je bez pečata i potpisa ovlaštenog sudskog tumača.
5. Potvrda banke da poslovni račun nije blokiran, u ponudi je dostavljena sa pravodom ovlaštenog sudskog tumača za njemački jezik Zrinka Brkić međutim prevod je bez pečata i potpisa ovlaštenog sudskog tumača.
6. Dostavljeni dokument bilans uspjeha je za 2016 godinu što je suprotno zahtjevu iz tenderske dokumentacije, tačka 8.3. a) ekonomska i finansijska sposobnost - da ponuđači moraju poslovati pozitivno u 2017. godini, a traženi dokaz je bilans uspjeha za 2017. god. iz kojeg je vidljivo pozitivno poslovanje.
7. Dostavljeni bilas je napisan na njemačkom jeziku i bez prevoda ovlaštenog sudskog tumača a što je suprotno članu 12. (upotreba jezika) stav 3) koji glasi da: ponuđač podnosi ponudu na jednom od jezika u službenoj upotrebi u BiH. Stampana literatura, brošure, katalozi ili sl. prilažu se bez prevoda.
8. Dostavljene izjave koje se odnose na tehničku i profesionalnu sposobnost izdate od vlasnika firme Božidar Čipić se odnose na njega kao fizičku osobu a ne na firmu ČIPIĆ GmbH a što je suprotno zahtjevu iz tenderske dokumentacije pod tačkom 8.4. (tehnička i preofesionalna sposobnost) kojom je definirano da Ponuđač mora:
 - a) Biti tehnički opremljen i osposobljen za isporuku robe navedene u Tehničkim podacima i elementima ponude
 - b) U postupku ove nabavke ponuditi vozila od proizvođača koji ima dugogodišnju tradiciju u pogledu proizvodnje zglobnih trolejbusa.

2. UBE store d.o.o.Tuzla

Prema izvještaju Agencije za javne nabavke ponuđač nije preuzeo tendersku dokumentaciju sa portala Agencije za javne nabavke BiH, te u skladu sa tim nije imao pravo učestvovati u daljem postupku nabavke, te je ponuda ponuđača UBE store d.o.o. Tuzla putem pošte vraćena ne otvorena.

Komisija za javne nabavke održala je pregovore sa kandidatom GN Company d.o.o., Tuzla dana 14.12.2018. sa početkom u 10:00 sati gdje je konstatovano slijedeće:

- da je dopisom broj 19118 od 13.12.2018 god. stručna Komisija za ocjenu opšteg stanja trolejbusa imenovana odlukom V.D.Generalnog direktora broj 05/1029 od 6.12.2018 god. dostavila izvještaj u kojem je dala pozitivnu preporuku i srednju ocjenu između 3 (dobar) i 4 (vrlo dobar) o ocjeni opšteg stanja vozila.
- Iako iz objektivnih razloga nije bilo mogućnosti da se izvrši i funkcionalna proba ponuđenih vozila i ključnih sistema, ponuđač i dalje garantuje da su ponuđena vozila tehnički ispravna i funkcionalna, pojedina su još u oktobru 2018. godine bila u saobraćaju, sva imaju tehnički pregled. Ponuđač se bavezuje da će nakon dopremanja vozila u Depo trolejbusa Ugovornog organa, u Depou izvršiti sve pripreme prije priključenja na kontaktnu mrežu da bi se mogla izvršiti proba vozila u pogonu. Ukoliko se tokom probe uoči nedostatak, ponuđač se obavezao i dužan je da eventualni nedostatak otkloni. Nakon otklanjanja svih nedostataka u skladu sa tenderskim zahtjevom pristupiti će se primopredaji vozila.

Ponuđač je ponudio garanciju u trajanju od 4 mjeseca na akumulatorske baterije i kompresor, dok osnovna garancija na funkcionalnost vozila ostaje 3 mjeseca.

Ponuđač nudi set rezervnih dijelova za održavanje vozila besplatno, spisak će dostaviti uz isporuku vozila. Obaveza KJKP GRAS d.o.o. je da obezbjedi transport istih.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka Uprava preduzeća nije našla razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke

Naima, u postupku je ocjenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocjenjen zbog:

Ekonomski najpovoljnija ponuda, na osnovu kriterija utvrđenih u obavještenju o nabavci i tenderskom dokumentu, kako slijedi:

| Broj protokola | Redni broj omotnice ponude | Naziv ponuđača | Omotnica sa ponudom ispravno zapečaćena ili potpisana | Podkriteriji koji se vrednuju unutar kriterija ekonomski najpovoljnija ponuda | |
|----------------|----------------------------|---|---|---|--|
| 19272 | 1 | GN Company d.o.o., Tuzla, Vukovarska 18 | Da | Cijena bez PDV-a 65% | 699.230,00 KM |
| | | | | Opšte stanje vozila 25% | - Prosječna starost vozila 230,71 mjeseci - Prosječna pređena kilometraža 997.960,57 km - Prosječna pređena kilometraža poslije zadnjeg remonta 11.527,42 km |
| | | | | Garantni rok 10% | - 3 mjeseca na funkcionalnost vozila - 4 mjeseca na akumulatorske baterije i kompresor |

Uzimajući u obzir sve utvrđene kriterije ocjenjeno je da je ponuđač GN Company d.o.o., Tuzla povoljan ponuđač .

Iz navedenih razloga, primjenom člana 64. stav 1. tačka a (Ekonomski najpovoljnija ponuda) Zakona o javnim nabavkama, te članova 21 Pravilnika o nabavci roba, usluga i radova KJKP « Gradski saobraćaj » d.o.o. Sarajevo, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 10 (deset) dana od dana prijema ove odluke.


V.D.Generalni direktor

Avdo Vatrić dipl.ing.el.

Dostaviti:

1. „ GN Company „ d.o.o., Tuzla, ul. Vukovarska 18
2. UPRAVA PREDUZEĆA
3. Odjeljenje javnih nabavki (u spis)
4. ~~Odjeljenje javnih nabavki~~
5. Interna revizija
6. a/a